

Zhude

Zhude ya seme wemu ka ge

Jɔɔ wu ɲe Zhude wɛ?

Zhude wemu wu ɲe Kafɔ Yesu ni Yakuba yɛ wo ceborona wu ge (Macoo 13:55 ni Marika 6:3), wee w'a we seme we ka. Ba wu ceborona Yakuba ɲe wɛ, wu bɛ bi ta dɔ Yesu na taashiine li ni na Kirisa wu ɲe wii wɛ (Yohana 7:5). Ga tuun wemu ni Yesu ya ɲe na foro xu ni ge, wee tuun wu ni wu bɛ ya na dɔ wu na. Mɛgɛ kemu Zhude ya yiri wuyɛ na ge, kee ki wa mɛ: Yesu Kirisa wo kapyebye (Zhude 1).

We seme we kakana ɲuɔ

Zhude ya we seme we ka na n'a daa fɛɛ pu kaala na pu kaseɛgɛ yaha puyɛ na karamɔɔ-kafinejuu pu wo kalaakuumɔ wu shizhaa na, wee wemu w'a can can wo n'a daa wu kyɛgi ge.

Seme wu kafila ɲugɔyɔ

Zhude 1-2 Zhude fɔ mujuu.

Zhude 3-16 Zhude ya can fiinne jo karamɔɔ-kafinejuu pu wo kalaakuumɔ wu keree na.

Zhude 17-23 Zhude ya li shaa n'a daa fɛɛ pu mu na li waha l'i waha na pu kori yaha Kirisa wo kariɲɛgɛ ki ni.

Zhude 24-25 Zhude ya Kile sɔ.

Zhude fɔ mujuu

1 ¹ Nɛ Zhude wemu wu ɲe Yakuba ceborona, na ɲe Yesu Kirisa wo bulo ge, nɛ w'a we seme we ka. Kile ya yee piimu yiri ge, yee piimu kaa ya taan To Kile mu, a wu yee mara yaha Yesu Kirisa mu ge, yee mu nɛ wu tun. ² Kile wu yi kan xuuni wu ɲipaara te, ni wu ɲapiɲɛ ke, ni wu taanɲɛgɛ ki ni.

Karamɔɔ-kafinejuu

³ Na taanɲiineɛ, nɛ funɲɔ ki bi sii fɔ na seme ka na tun yee mu wu wo ɲuwuuro ti keree na, nɛ ni yee ya pinne ɲuwuuro temu na ge. Ga na kee fungɔngɔ ki yaha nɛ mu, a nɛ mɛhe li ta l'a ɲɔɔ nɛ wu seme wu kan yi mu, di lowaa le yi ni, kɔnhɔ yi da yogo yu n'a daa wu kaa na. Wu fɛfɛere wuu pu mu Kile ya wee n'a daa wu kan tɔɲii nigin yɛ pe. ⁴ Bani sipyikuuyo ya y'a peelee jɛ yee ni. Jaagi wemu na ba do pee ɲuɔ ni ge, Kile kafila w'a

wee kaa jo fo l'a mɔ. Kile jii fyaara baa sipyii pu je pii. Wèe wo Kile wu wo niime jomɔ pe p'a luu na jeri na byi pu shiige baara keree kaɲɔɲɔ. P'a ganha na fɔro wù ɲuɲɔfɔɔ ni wù Kafɔɔ nigin pe wu kaa t'àan, wee wemu wu je Yesu Kirisa ge.

⁵N'a da yi funyo to ni keree kii kaa ni, ali na yi ta y'a ki cɛ xɔ bɛ. Kafɔɔ Kile ya Izirayeli sheen ɲuɲɔ wolo na foro Misira fiige ki bulooro ti ni. Ga lee kadugo na, piimu p'a pye pu ni n'a daa baa fɛɛ ge, a wu pee kyɛɛgi.

⁶Fo taashiine ni melekee piimu p'a pu wo tayerege nizhiige ki she, na pu tateenge ki bɛ yaha ge, Kile ya pee pɔ yaha nibiige ni shɔnhɔyɔ na gbee, cagbɔhɔ ki wo kiiri wu kaa na. ⁷Mu Sodɔmu ni Gɔmɔɔri sheen ni pu t'àan kulogoo bɛ ya pye. Pee bi puyɛ yaha dɔdɔɔɔ na fo na she namaa pye pu na puyɛ sinnɛɛ. Na fugibaaga k'a pye pee wo jaagi wu kanhama, kɔnhɔ p'i bye naha sheshɛɛɛ sipyii pusamaa beeri mu.

⁸Ga lee bɛ na kee keree kii tuugo pii karamɔɔ-kafinejjuu pii wa byi. P'a ganha na puyɛ pyaa wo ceepuuro ti nɔɔɔɔ, na yu na Kile w'a yu ni pee ni ɲmunɔyɔ ni. A p'i zhe Kile wo Kafɛɛɛɛ ti ni, na fugba melekee pu shehele, pee piimu pu je ni nɔɔɔɔ ni ge. ⁹Ali na ta Misheli wemu wu je melekee ɲuɲɔfɔɔ ge, tuun wemu ni wee bi nakaara ti suruni ni Shitaanni ni Kile tudunmɔɔ Musa nixhugo ki keree na ge, wu ya ta sɔɔ na Shitaanni shehele wɛ, ga na wu pye yɛ na: «Kafɔɔ wu li foo tɔ ma mu.» ¹⁰Keree kiimu ki je pii sipyii pii ya ki cɛ-ɛ ge, kee p'a fanri. Laje we wu je pu mu ge, wee ni nana yaaga wo beeri wu je nigin, wee laje weyɛ pyaa k'a gyɛɛgi nɔni pu na.

¹¹Bɔɔngɔ ki je pu wogo! Kayen wo paarigaguunɔ le tuugo p'a jaari. P'a puyɛ yaha jé piinɲɛ ni wari la na ba Balamu ya pye wɛ. P'a gyɛɛgi shan puyɛ ɲuɲɔ ni, bani p'a n'a she le puyɛ ni ba Kore* ya pye wɛ. ¹²Pu keree ma ɲuzogoro waa yee na yi ceborogo yaligee ki liduun ni. Shiige je pu na wɛ, pu jate ya nɔ watii na ni puyɛ bɛ wɛ. Pu je ba jahaya je wɛ, kafɛɛge na yi lɔ na jaari zanha di je yi ni wɛ. Pu je ba tiye je wɛ, yemu ya ta na nagoo pyi ali yi pyeduun bɛ ni-i ge. Pu je ba tiye je wɛ, yemu niye beeri y'a wolo, a y'i waha fɛfɛɛ ge. ¹³Pu je ba suumɔ lɔhɔ lokuruyo nigbɔyɔ je wɛ, yemu y'a yi shiige keree kaɲaa na byi kakaya ge. Pu je ba wɔɔɔ je wɛ, kiimu ya jaari na doroo ge. Tɛhɛnɛ baa nibiicogonɔ Kile ya gbegele na yaha pu naha na gbee.

¹⁴Adama wo kadugo shi nibama sii gbarashuun wuu li wo ɲabige kemu mɛɛɛ ki bye na Henɔki ge, wee bɛ ya keree nibaɲaa jo pii sipyii pii shizhaa na na: «Kafɔɔ w'a da ba ba ni wu fɛfɛɛɛ melekee miliyaaraa niɲehemɛɛ pu ni, ¹⁵wu ba kiiri kɔn kɔɲɔ sipyii pu beeri na. Wu na ba jaagi shan Kile jii fyaara baa sipyii pu ɲuɲɔ ni pu wo kapyegege niguunɔɔ ki wuu na, p'a

* **11 Kayen:** Zhenezi 4:3-8; **Balamu:** Nɔburuu 22-24; **Kore:** Nɔburuu 16.

kiimu pye pu wo Kile j̄ni fyaara baara ti funḡo ni ge; joguumoḡ pemu bæeri pee jurumupyii p'a jo wá Kile na ge, ni pee joguumoḡ pu be wuu na.»¹⁶ Pee sipyii pii tigire t'a pe. Pu ya dinni wɛ. Pu ma jaari na sahaḡi ni puyɛ pyaa wo keree la ni. Tabaara jomḡ di dan pu ni tajogo ni. P'i sipyii faanna, na pu kuduun wo pu ni.

N'a daa fɛɛ y'a yaa na lemu pyi ge

¹⁷ Ga yee kunni na taanjiineɛ, wù Kafɔɔ Yesu Kirisa wo tudunmoḡ p'a fɛnhɛ jomḡ pemu jo yi mu ge, yi yi funyɔ yaha pee na. ¹⁸ Pu bi ma yi yu yee mu na: «Koḡo ki taaxɔɔ li ba dɛɛɲɛ, lawuu fɛɛ pii na ba da wà. Pu na ba jaari Kile j̄ni fyaara baara ni na saha ni puyɛ pyaa lakuunḡo keree ni.»¹⁹ Pee sipyii p'a waagi leni yee tɛ ni. Pu ma jaari na sahaḡi ni puyɛ pyaa fungonyɔ ni. Kile Munaa jɛ pu na wɛ.

²⁰ Ga yee kunni na taanjiineɛ, yi la le yiye ni, yi da se jaha na yi n'a daa fɛfɛɛɛ wo wu ni, yi da Kile jɛɛri Fɛfɛɛɛ Munaa li wo sefɛɛɛ ti ni. ²¹ Yi kori yaha Kile wo taanɲɛɛge ki ni, y'i wù Kafɔɔ Yesu Kirisa sige, fo wu ba j̄ni sicuumḡo nixhɔbaama kan yi mu, wu wo j̄njaara ti funḡo ni.

²² Ayiwa, piimu ya puyɛ kaala kaala ge, y'a j̄nyɔ jaari pee na. ²³ Yi pu j̄nyɔ wolo na foro na ki ni. Yi da j̄nyɔ jaari pusamaa be na, ga yi da lee pyi ni fyaara ni, y'i laraga kɔn pu nɔɔɔḡo keree ki bæeri na. Wa bu kakuunḡo la pye pu ni, yi ganha bu da gbɔn ali wufɔɔ nɔɔɔḡo fadeɲɛ ke be na wɛ.

Kile masoḡo jomḡ

²⁴ Kile wemu w'a da já yee mara, kɔnhɔ yee ganha bu do-e ge, wu yi pye jaagi baa fɛɛ, wu nɔhɔ yi j̄ni fundangbɔhɔ na wu nɔɔɔḡo wu jaha tàan ge, ²⁵ wee wemu ye nigin wu jɛ wù Shɔvɔɔ Kile wù Kafɔɔ Yesu Kirisa baraga ni ge, nɔɔɔḡo ni gbɔɔɔḡo, ni sefɛɛɛɛ, ni j̄nyɔ fɛɛɛɛ t'a ðeri wee na na co fo taashiine li na, ni nimeɛ, ni gbee. Amiina.